



სასტუმრო ოლავერდში

სოფელი ოლავერდი ახალქალაქიდან 14 კმ დაშორებით მდებარეობს. სოფლიდან კარგად სჩანს აბულის და ქოროლლის მთები. ქოროლლის მთაზე წინაქრისტიანული ციკლოპური ციხე (ძვ.წ. II ათასწლ.) მდებარეობს. ძველ ისტორიულ წყაროებში ის შაორის ციხედან მოხსენიებული და ზღვის დონიდან 2752 მ-ზეა აგებული.

სწორედ ამიტომ, რომ სოფელს ბევრი ტურისტი სტუმრობს. ტურისტს კი გამართული ინფრასტრუქტურა სჭირდება. ოლავერდის მკვიდრმა ჰაიასტან გილოიანმა კარგად იცოდა მშობლიური სოფლის ტურისტული პოტენციალის შესახებ და მცირე ზომის სასტუმროს აშენებაც გადაწყვიტა. საკუთარი სახსრებით მიზნის მიღწევა, წარმოუდგენელი იყო. ჰაიასტანმა ახალქალაქის ადგილობრივი განვითარების ჯგუფს (LAG) მიმართა, შეექმნა საინტერესო პროექტი, რომელიც ევროკავშირმა დააფინანსა.



პროექტის შედეგად დასაქმდა: 4 ადგილობრივი
პროექტის მთლიანი ბიუჯეტი: 93.501.75ლარი
ევროკავშირის დაფინანსება: 44.976 ლარი
თანადაფინანსება: 48.525.75 ლარი



“ჩვენ სოფელს ტურისტული თვალსაზრისით მომგებიანი მდებარეობა აქვს. შაორის ციხიდან ლამაზი ხედი იშლება ფარავნის ტბაზე, საიდანც შეგიძლიათ გზა გააგრძელოთ და ლევანის ტბაც მოინახულოთ. ტურისტული სეზონი ზამთარ-ზაფხულ გვაქვს.

ჩვენ სასტუმროს 4 კეთილმოწყობილი ოთახი აქვს, 1 მისაღები და სამზარეულო. სასტუმრო ყველა საჭირო ინვენტარითაა აღჭურვილი, რისი საშუალებაც ევროკავშირის მიერ გრანტის სახით გამოყოფილმა თანხამ მოგვცა”, - ამბობს სასტუმროს მენეჯერი.





ჰაიასტან გილოიანმა გასტრონომიულ მხარეზე იფიქრა და გადაწყვიტა ტურისტებს მხოლოდ ნატურალური პროდუქტებით დამზადებული ტრადიციული კერძები შესთავაზოს.

“კვების საკითხი მნიშვნელოვანია. ჩვენ სასტუმროში ტურისტები თავად შეძლებენ საკვების მომზადებას. თუ სურვილი ექნებათ, გამზადებულს მივართმევთ, მაგრამ ძალიან მინდა სტუმრები საჭმლის მომზადების პროცესში ჩავრთო, ერთად გავაკეთოთ ტრადიციული კერძები: ტოლმა, აველუკის სალათები და ა.შ. ვფიქრობ, ასე უფრო ეზიარებიან ჩვენი კუთხის ადათ-წესებს და წეს-ჩვეულებებს”, - აღნიშნა ჰაიასტან გილოიანმა.

ის დარწმუნებულია, რომ სულ მალე მოიხსნება პანდემიასთან დაკავშირებული შეზღუდვები და სასტუმრო სრული დატვირთვით ამუშავდება.



ინიციატივა დაფინანსებულია ევროკავშირის საქართველოში სოფლის და სოფლის მეურნეობის განვითარების ევროპის სამეზობლო პროგრამის (ENPARD)-სოფლის განვითარების ახალი მიდგომის ხედვით ახალქადაქში პროექტის ფარგლებში.

პროექტს ახორციელებს საქართველოს საზოგადოებრივ საქმეთა ინსტიტუტის, სოფლის მეურნეობის განვითარების და პროფესიული სწავლების დეპარტამენტი (DRDVE/GIPA). პროექტის პარტნიორები არიან მეხსი ქოხფსი, ELVA საზოგადოებრივი ჩაბრუნება და დასავლეთ კოხკის განვითარების პარტნიორობა.

ევროკავშირი მხარს უჭერს სოფლის მეურნეობასა და სოფლის განვითარებას საქართველოში ENPARD-ის პროგრამის დახმავებით. პროგრამა ხორციელდება 2013 წლიდან საერთო ბიუჯეტით 179,5 მილიონი ევრო. ENPARD-ის ძირითადი მიზანი საქართველოში სოფლად სიღარიბის დაძვებაა. პროგრამის პირველი ფაზის პიოტივეტი იყო სოფლის მეურნეობის განვითარების ხედვით, ხოლო მეორე და მესამე ფაზა მიზნად ისახავს სოფლად მცხოვრები ადამიანების ეკონომიკური განვითარების შესაძლებლობების გაზიარებას. დამატებითი ინფორმაციისათვის იხილეთ ვებ-გვერდი: www.enpard.ge.